



Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

21. De quarta radice restitutionis.

urn:nbn:de:hbz:466:1-40916

De quartaradicerestitutionis.

C A P V T X X I .

Quarta restitutionis radix est, iusta acceptio; cum qui habet, seu accepit quid alterius, sed iusta actione, puta, mutuo, emptione, aliisque licito contractu, ratione cuius tenetur reddere alteri. Notanda tamē est differentia inter iustum actionem & iniustum: cum enim obligatio restituendi est ratione iustae actionis, non transit nisi ad hæredes. & fideiustores illius, qui tenebatur reddere, nec alia genera personarum reddere tenentur; cum verò ex ratione iniustæ actionis, non solum qui iniuste agit, sed etiam octo genera personarum reddere tenentur; vnumquodq; in solidum & integrum. Sunt autem personæ hæc.

Qui iussit seu præcepit, ut damnum alteri fieret, vel ab altero, quod suum est, inuito raperetur.

Rursus, qui ratificauit, id est, in cuius nomine, ipso nesciente, actio iniusta facta fuit; si tamen postmodum sciuit & approbavit: secùs tamen, si tantum factū approbavit, quod antea in eius nomine non fuit factum; aut in nomine ipsius fuit factum, sed non approbavit: tunc enim non obligatur ad restitutionem.

Rursus, qui consilium dedit, qui consensit, qui dedit fauorem. Illa tamen intelligenda sunt, cum consilium, consensus, & fauor fuerint causa, ut fieret iniusta actio, quæ tamen alterum fieret: tunc enim obligat ad restitutionem; secùs si causa non fuerint.

Rursus, participans & cooperans in actione iniusta tenetur restituere. Sed aduerte, cum cooperans talis est, ut, nisi cooperaretur, actio iniusta non fieret. putà, furium, rapina, vel damnum, tunc tenetur in solidum restituere, quia est integra causa; & si alij cooperatores non soluant, tenetur totum reddere. At si non fuit ratio causa, quia alias sine illo furtum fieret, tenetur solum reddere partē acceptam, aut partem damni lati. Quod si illius opera factum est maius furtum vel damnum, quam alias fieret, talem excessum tenetur in solidum redducere.

Rursus, non obstante, id est, qui non prohibet, cum possit commode damnum alterius, tenetur restituere. Sed attende,

quod non satis est posse, sed ex officio obligari ad id. Vnde si vicinus videat furem in vicini domo surantem, & tacet, cum possit clamore prohibere furtum, peccat quidem mortaliter, & contra charitatem, sed non contra iustitiam; quia non eid ex officio incumbit; ob id non obligatur restituere, quicquid velit Caiet. verba restitutio; immo si acciperet pecunias a trone, vt taceret, non teneretur restituere, vt dicit Soto lib. 4 q.7. ar.3. Teneretur tamen, si esset famulus vel iudex, vel se ex officio incumbit ista prohibere. Et sic tenentur iudices, qui debitam diligentiam non faciant in locis, in quibus resident, ne damna inferantur.

Rursus qui non manifestat, id est, qui sua taciturnitate & occultatione causa est, vt alius suum non habeat. Hoc etiam intelligendum est, cum ex officio incumbit; & hoc modo est in iudicio contra aliquem, veritatem occultans, teneretur restituere damnum, quod ille incurrit, cum causa fuit. Dico, cum causa fuit, quia si iam alij testes falsi praecesserant, qui sufficiabant ad condemnationem, nec iste quicquam negotio dicit, non tenetur; & hoc modo excusat Caiet. a restitutione, sed non a peccato. Illi vero, qui suffragantur publice in negotiis & causis determinandis, cum iam vident maiorem parvam, non inclinaram, quamuis iniuste, si ipsi etiam suffragent, quamvis peccent, cum tamen causa non sint, non obligantur ad restitutionem. Haec sunt radices quatuor, proprieas quas aliquis ad restitutionem teneatur. Sed est graue dubium inter doctores, cum actio dandi & accipendi est iniusta, an obliget ad restitutionem: ver. gra. cum quis dat pecunias alicui, vt aliud occidat & iudici, vt iniquam sententiam ferat, unus male dat, & alter male recipit, an qui recipit, ad restitutionem obligetur, lapsum potest dari pecunia alicui, ne peccet, vt ne occidatur, ne sacrilegus, ne fornicetur, in quo unus bene dat, alter male recipit; sed secundum Soto lib. 4. q.7 ar.1. ad secundum, non obligatur qui accipit ad restitutionem semper, nisi cum accipit pecunias pro his, quae secundum legalem iustitiam absconderuntur, tenetur facere. Ut iudex, qui pro sententijs, vel alijs, pro quibus leges disponunt pecunias non esse accipias, vel accepas, pecunias accipit, tenetur restituere, & hoc modo post Concil. Trid. nullus pro ordinum collatione, quocumq[ue] praetextu potest accipere pecunias, sess. 21. Can. 3. & si accipias, dare caetur. In alijs, in quibus non est prohibitum a lege, non tenetur, cum eas accipit nec peccas, quamvis cum discrimine. Nam si

ut pro peccato alterius vitando, quod erat contra iustitiam, ut ne alter occidat, ne sit sacrilegus, tunc potest coram iudice repetere, & audiatur in iudicio: & sic intelligitur. l. vt putat. ff. de condicione. ob turpem causam. Tamen qui accepit, ante repetitionem, non tenetur dare; nisi vi acceperit. vt, qui accipit pecunias ab alio, quem volebat occidere, ne ipsum occidat. Si tamen peccatum non erat contra iustitiam, nec tenetur restituere, nec potest repetere. Nam potest esse datio & acceptio mala, quia est pro re turpi, & ob peccatum, sed non contra iustitiam vt, qui dat pro fornicario actu: & his, vt dictum est, non tenetur restituere qui accepit. Rursus est datio & acceptio mala, quia res, pro qua pecunia datur, vendibilis non est, vt in simonia, & de hac post dicemus. Tandem est datio & acceptio mala, quia datur pro re contra iustitiam, vt in exemplis praepositis de homicida & iniquo iudice. Et de hoc casu est controversia, in qua duæ existunt opiniones celebres.

Altera est: qui accepit, obligari ad restitutionem, non quidem domino, qui male dando ius suum perdidit, sed pauperibus. Hanc opinionem tenet Caiet. ver. restitutio, Soto loco allegato. Adr. q. 19. supra 4.

Altera sententia est aliorum, qui tenent non obligari ante condemnationem, sed posse qui accepit retinere. Hanc tenent Anton. 2. p. tit. 2. ca. 5. Sylu. restitut. 2. §. 3. Ange. ver. restitutio, §. turpe. Nauarr. cap. 17. nu. 34. & quia ista res est moralis, in qua multi doctores rem faciunt probabilem, possunt esse tuti in conscientia qui accepérunt, licet non restituant, quia insignes doctores id docent. Quorum sententia etiam mihi placet quia opposita solum fundatur in duabus legibus, quæ nihil probare videntur; est enim l. generaliter. ff. de verb. oblig. ubi habetur, turpes stipulationes nullius valoris esse, sed hoc non concludit; solum enim intendit in iudicio exteriori non esse efficacem illam stipulationem, cum possit repeterre qui dedit. Rursus est in heredem de calumniat. ubi dicit, acquisita ob turpem causam, esse etiam ab heredibus extorquenda; sed idem est huius sensus: datur enim in iudicio locus repetitionis, sed ante sententiam non obligatur qui accepit, reddere, bonum tamen est si redderet, & Confessarius consilium hoc dare debet, sed non sub præcepto imponere. Et haec sufficiant.

Quid